

Ерлігі елге өнеге ер Бауыржан !

Ақын емес Бауыржан
Қалам алып қолына
Жазды көп сөз қиналып.
Өлең демен жыр болар,
Жыр болмаса, сыр болар,
Жетсе елге сыналып.

Бауыржан Момышұлы.

Аты бүкіл әлем халқына аңыз болып таралған даңқты қолбасшы, гвардия полковнигі ғана емес, әдебиет полковнигі, кеңес Одағының Батыры ағамыз-Бауыржан Момышұлының майда-надағы шайқасы туралы, Отан қорғау жолындағы жасаған ерліктерін біз әскери аңыздардан,

Бауыржан Момышұлына арналған кинофильмдерден, өлеңдерден, баспасөз материалдарынан, Александр Бектің «Волоколамск тасжолы», Александр Кривицкийдің, Мәлік Ғабдуллин мен Павел Кузнецовтың, Әзілхан Нұршайықовтың шығармаларынан білеміз. Майданда баруды, бейбіт күнде қаламды ұстай алатын мұқалмас, қажымас қайраткер екенін бүкіл Отанға, қала берді, әлемге танытты.

Бауыржан ата туралы «Бауыржан батыр» жинағында- «Академия қабырғасында» деген естелігінде, И.М. Глушконың: «...Біз Момышұлының дерістерін әрқашан асыға күтетінбіз. Оның конспектіге қарамай, карта мен кестеге сүйене отырып айтатын әңгімелері соншама қызықты болушы еді. Аузынан шыққан әр тезистің шеңберін жауынгерлік тәжірибелердің ғибратты мысалдарымен шегендеп отыратын. Ол өзінің әскери атағына қарамастан, әм қарапайым, әм қатал кісі болатын. Академия тыңдаушыларының бөрінен бірдей төртіпті талап ететін», - деген сөзіне қарап, Батыр ағамыздың «Төртпсіз ел болмайды, төртпке бас иген құл болмайды» деген сөзінен Ата заңымызды қорғауға, бекітілген төртпке бағынуға, өз құқықтарын орынды пайдалана білуге шақырғанын ұғандым.

Батырлық пен қоса ақындық та ата-бабаларының қанымен берілген ғой. Қазақтың әр ақын, әр батыр, әр ғалымының ірі тұлға болып қалыптасуына үлес қосатын ақ жаулықты әжелердің еңбегі зор сияқты. Мысалы, Шоқанның әжесі-Айғаным, Абайдың әжесі-Зере, Бауыржан атаның әжесі-Қызтумас. Өздерінің бесік жыры мен зұлым қасқыр, қымысқы түлкі, сүйкімді құс, сұрапыл сұңқар жайлы ертегілері арқылы немерелерін ауыз әдебиетімен әбден сусындатқан, ардақты, абзал жандар. Сол балалық шақтардың өрнектері мен үзік-үзік бөлшектерінің арасынан қиястықпен қыңқылдап жатқан Бауыржан батырдың арқасынан көрі алақанымен томп-томп қағып, бөстекке отырып алып басын бауырына қысып, өндеткен әжесінің әлді естілетін тәртізді.

Жылама, бөпем, жылама,
Жілік шағып берейін.
Жілігінің майы жоқ,
Жіпке тағып берейін.
Көк сиырдың сүтінен
Көже жасап берейін.
Оның тұзын кім татар,
Жыламайтын ұл татар,-

деп мәпелеген немересінен әлем халқына аңыз боп тараған қазақ елінің ақиық қыраны шығатынын сезген болар.

Баукеңнің бойындағы шыншылдық пен әділдік, пікіріндегі батылдық балаң шақтағы әкесі Момыштың да берген тәрбиесінен деп ойлаймын. «Ұшқан ұя» туындысында Бауыржан атаның бойындағы ақындық қуаттың бүршігі ерте белгі бергендігін мектептегі ұстазы Төңірберген Отарбаев та байқаған. Шәкірттеріне шығарма жаздырып, қабілеттерін байқау үстінде бала Бауыржанға «сенен ақындықтың иісі шығады» деп айтқан болатын. Бауыржан Момышұлының «Қанмен жазылған кітап», «Москва үшін шайқас», «Ұшқан ұя» туындылары, өлең, хат, мақал-мәтелдері біз сияқты жас ұрпақты патриоттық рухта тәрбиелеудің құнды құралына айналып отыр.

Біз соғыс туралы тарихтан, әдебиеттен оқып, театрдан, кинодан көріп, ардагерлерден естіп жүрміз. Бірақ біз оның ішкі мән-мазмұнын кинодан да, театрдан да көре алмаймыз. Себебі, менің ойымша, жазушылар мен өнер қайраткерлері соғыс туралы шындықты, ақиқатты жобалап жазатын сияқты. Батыр ағамыз айтқандай, баспаханың бояуымен жазылған кітаптар да бар, адам қанымен жазылған кітаптар да бар. Майдан даласында 1941 жылғы Москва түбіндегі қанды шайқастарда теңдесі жоқ ерлігімен бүкіл әлемді дүр сілкіндірген, Қазақстанда генерал Панфилов жасақтаған 316-атқыштар дивизиясының батальон командирі аға лейтенант Бауыржан Момышұлының жан беріп, жан алысқан қанды шайқаста көрсеткен ерлігі оның есімін аңызға бөлеп, бұлтта ойнаған жасындай шешуші шайқаста, қапияда ой тапқан, қараңғыда жол тапқан, ерен ерлігі оның

даңқын әлемге жайды.

100-ден астам ұрыстарға қатысып әрі басшылық ете жүріп, өзінің көрген-білгендерін қойын дәптеріне түртіп жүрген, соның бірінде «қайнаған ұрыста жауынгер күтпеген оқыс оқиғаларға тап болатындығын, олардың да рухы граниттей берік, әрбірінің жүрегінде қас дұшпанға деген ыза-кек қайнайтынын, ол да сүйек-еттен жаралған, оқа ұшқан жауынгер жолдасын жер қойнына беріп тұрып үнсіз егілетінін, қылыштың жүзі, найзаның ұшында қайралып, өржүректілік пен қаһармандық танытатынын» қадап айтқан.

Бауыржан ағамыз өз еңбектерінде батырдан барлық уақытта батыр жасай бермейді. Тіпті, «батырларға қорқыныш сезімі тән емес» деп жазғандарға, соғыс кезінде ерлік пен қорқақтық қылыштың жүзінде тұрғандай алмағайып күйде, жаның мұрныңның ұшына баратындай да жағдайлар болатынын, соларды жеңе білгенде ғана батыр болатынын айтады. Өз еңбектерімен қоса 1967 жылы «Қазақфильм» киностудиясы түсірген көркем-суретті «Ел басына күн туса» атты фильмінен Ұлы Отан соғысының әлемге әйгілі батыры, жаһанға жариялы жазушының шынайы бейнесін көргендей болдым. Бауыржан Момышұлы туралы жазылған, түсірілген естеліктерді біз сияқты ұрпақтары оқып, көріп қана қоймай, Отансүйгіш болып өскіміз келсе, тәрбиелі, ұлтжанды, намысты болуымыз керек.

Тәуелсіз елім, туған жерім! Мен де Бауыржан батырдай сені көзімнің қарашығындай сақтар сенімді қорғаныңмын, бақытты халқымды күзетер сенімді сақшың болуға уәде беремін.

Сондықтан, бабаларым, тыныш ұйықта, мол біліммен қаруланып, айбынды елдің ұландары Тәуелсіздіктің туын көгімізде мәңгі желбіретеді!

**Нұрлан Лашынұлы,
А.С. Макаренко атындағы жалпы
орта білім беретін мектебінің
5-сынып оқушысы,
Қостанай облысы.**



**Ергенбай Мирас, С.Сейфуллин атындағы орта мектеп оқушысы,
Қаратау қаласы.**